

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 334 del 15/02/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 15 vegn fora la puntata #473 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata 473. I argomenc de chesta setemèna l é: la Copa del Mond de Ski Cross la é ruada enstadì per la pruma outa sun Sèn Pelegrin, sul portoi Ski Cross Munciogn. Na bela sodesfazion per l Comitad Gregn Evenc de Fascia che, en colaborazion co la Union Sportiva Monti Pallidi e l didament de la sozietà impianc portamont Ciadenac, de la scoles de schi e di schi club de la Val, l à endrezà n event da spetacol con protagonisc ence i atlec taliegn; l’Union di ladins de Fascia l à metù a jir la seconda edizion del cors de acherle, chesta outa con Carlotta Pederiva Brognola che la enseña a fèr na piccola tascia. Carlotta con gran gust la laora fora desferenta robes: maions, maietes e ence guanc da bagn; te la rubrica de aprofondiment “Zebicher, per veder più davejin” vegn portà dant Ra Regoles de Anpezo, na istituzion veiora che l’à segnà l destin de chesta comunanza e de so teritorie. L’intervista de Stefano Lorenzi, Secretèr de Ra Regoles de Anpezo, la conta del passà, anchecondì e davegnir de chesta organizazion comunitèra.

I report de chesta setemèna, enjigné da Riccardo Zanoner, Angela Pederiva e Sabrina Riz, i vegn porté dant da la ousc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canale 10 de TN- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

Se pel veder i servijes un a un su la piata Facebook de TV Ladina:

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)